

重修兩淮鹽法志

兩淮鹽法志卷七十

轉運門

銃銷 帶運

融銷通轉運之變銃銷救轉運之窮蓋淮南北行綱鹽以來往往銷不足額積壓既多於是鹽政奏請銃燬其應徵課項又分年帶徵以紓其力亦卹商之意也至改票以後亦未能年清年額而無銃銷之奏者則以票法與綱法異不專責課於運商

恩尤渥矣茲將道光以前成案錄爲一冊備舊制焉志銃銷  
帶運

順治十七年四月巡鹽御史李贊元奏兩淮引鹽自庚子  
爲始甯珠新增二項共計二十五萬餘引該課銀十七  
萬六百兩有奇將引窩削去其課銀卽派入舊引之中  
加課不加引商民兩便又准鹽壅至二百三十餘萬引  
請以積壅之鹽數卽帶入見年額引一百四十餘萬正  
綱之中現今每引鹽重二百斤加包索等項二十七斤  
何若將正鹽二引附銷一引每包止加正鹽百斤不必  
重添包索餘斤部議准行互見引目

順治十八年十月巡鹽御史胡文學奏銷引額地有限庚  
子附銷積引三十餘萬本年新引反積四十餘萬銷前

積後壅積愈多請將從前積引帶課而不帶鹽自辛丑爲正引每引帶積引一引之課戶部覆准

康熙元年四月巡鹽御史胡文學奏歸綱原派引十三萬有奇行銷無地應統入附銷之內每年止帶課而不行鹽部議歸綱引目原因張子謙將上元等八縣地方另設食鹽引目其原行綱引歸之綱地今旣稱行銷無地每年帶課而不行鹽查與徵額無虧該御史帶銷徵課俟積引銷完之日將歸綱之引照舊行鹽辦課

康熙八年五月巡鹽御史郭丕奏上元等八縣歸綱之引無地行銷請永遠帶課不行鹽部議覆准

乾隆十年十二月戶部議准署鹽政吉慶等覆奏淮北山陽等八州縣壬戌癸亥兩綱已經完課尙未運鹽之引既經遲壓在前自難責令照額運銷應令卽行銃燬解部查銷

乾隆三十四年二月戶部議覆鹽政尤拔世奏淮北山陽等八州縣食鹽額引難銷請將戊子綱七分食引納課銃銷自己丑綱起仍照舊例留運五分一摺查兩淮綱鹽食鹽久有定額原不許彼此通融混淆滋弊嗣因山陽等八州縣食鹽壅滯乾隆十年前鹽政吉慶始有七分融綱之請十六年奏准以五分融綱復還原額二分

三十二年普福奏明以三分融綱又復還原額二分乃  
甫及年餘輒請融入綱地朝更夕改與鹽法之政體均  
屬未協應將該鹽政所請戊子綱七分食引全行銷銷  
並自己丑綱爲始五分融綱五分運食之處均毋庸議  
奉

旨著照所請行欽此

互見  
融銷

乾隆三十五年九月兩江總督高晉等覆奏江都甘泉二  
縣戊子綱鹽未銷己丑綱鹽未運新舊積壓實有難以  
銷售之勢不得不設法疏通仰懇將己丑綱引准其銷

銷部議准行

詳見  
融銷

乾隆三十八年八月戶部議覆鹽政李質穎等奏淮南甯國府屬之宣城甯國涇縣太平旌德南陵等六縣江甯府屬之上元江甯句容六合江浦高淳等六縣通州屬之泰興縣共額行食鹽十八萬一千八十五引遞年積壓請將癸巳一綱引目銃銷分年帶課一摺查兩淮食鹽口岸每致積引滯銷厯據該鹽政等奏請銃銷俱經議覆准行今甯國等處食岸旣據該鹽政查明疲滯情形酌籌調劑應如所奏將癸巳一綱食引准其銃燶以疏積滯至引課銀兩應照舊徵收造報奏銷所請分作五年帶徵之處應毋庸議奉

旨依議欽此

乾隆五十年二月鹽政全德奏今歲恭逢

皇上御極之五十年舉行千叟大宴各商呈請恭進銀一百萬兩以備

賞需其銀先於運庫撥解分五年帶完據情轉奏未蒙  
賞收臣入京後以各商誠懇下情再三面奏復蒙

恩旨將此一百萬兩內以六十萬兩代完滯銷引課以四十萬  
兩交商人江廣達江正大領借生息等因行據運司倉聖裔  
查明淮南王癸甲三綱共未運食鹽二十九萬三千三  
十四引淮北癸甲兩綱共未運食鹽二萬三千六百六

十引二共未運食鹽三十萬六千六百九十四引所  
有引目詳經鹽政批准

五見  
恤商

乾隆五十年十二月戶部議覆鹽政全德奏淮北積引三  
十六萬餘道請照戊寅綱之例將丙午綱引提出銑銷  
課銀亦照例分作十年帶完一摺查乾隆二十三年兩  
淮戊寅綱一年引目全行撤出以疏積壓係欽奉

特旨酌量彼時情形加恩未便援以爲例礙難率准惟淮北一  
帶近年湖河淺阻運艱銷滯亦屬實在情形且該年課  
項爲數不過二十餘萬量予三年帶徵已覺寬裕應照  
該鹽政所奏准其銑銷第令分作三年帶徵以紓商力

奉

旨丙午綱引目准其提出統銷其該年應徵課釐分作五年帶徵欽此

乾隆五十三年三月戶部議覆鹽政全德奏淮南積引過多請將丁未綱未行綱引內提出六十萬道自戊申綱起分作五年帶運課項亦分作五年帶徵并據聲稱乙巳丙午兩綱尙有積壓未銷之引本年六月卽屆丁未奏銷又接戊申本綱積壓過多有占新綱地步必須設法變通俾疏壅滯雖屬實在情形但查兩淮奏銷前因偶被偏災引鹽壅滯於乾隆五十年奏准展限半年仍

每年提上一月計至五十六年辛亥綱始歸原限是該處奏銷展限業經仰奉

恩綸今復以積引過多奏請提出引自分限帶完查與成例不  
符礙難率准應毋庸議奉

旨加恩准將淮南丁未綱未行綱引內提出六十萬道分作五年帶運所有正雜錢糧亦准其分作五年帶徵等因旋於戊申一綱帶運十二萬引其餘未運之引復於五十六年三月經鹽政全德奏請銳銷部議除戊申綱所發丁綱十二萬引既稱帶銷將竣課亦將完應毋庸議外所有己酉等四綱帶銷丁綱積引四十八萬道准其銳銷每

年應完課項按數全完報部聽核引單免其截角仍繳  
部查銷奉

旨依議欽此

乾隆五十四年四月鹽政全德奏淮北鹽場坐落海州因  
莞瀆以上運鹽之河與黃河僅隔一隄每遇盛漲溢入  
輒多淤塞秋汎後必須挑濬既費工役又稽時日以致  
運鹽年年不能足額見雖由六塘河一帶另開新河將  
來自不致仍前遲阻而遞年以來積壓未通者已三十  
餘萬引若不設法疏通則舊引未銷新引又壓終不能  
年清年款惟有仰懇

國朝鹽法元  
卷二十一  
天恩提出己酉一綱免其捆運空出此一年爲疏銷積引地步  
其己酉綱正雜錢糧自庚戌綱爲始分作五年帶完以  
紓商力奉

旨允行

乾隆五十五年十二月戶部議覆鹽政全德等奏銳銷淮南食岸積引應完懸課攤入綱引內分作五年帶完一摺查淮北行鹽口岸綱引滯銷前於乾隆五十年奏蒙特恩將從前滯引一概銳銷在案今淮南食鹽官引又積至六七十萬有餘應准其將積引銳銷以疏滯壓至此項懸課攤綱帶徵之處亦應如所請准其分作五年帶完仍

將滯銷州縣引數及懸課實數並帶徵起限各日期分  
晰報部奉

旨依議欽此

乾隆五十七年二月鹽政全德奏湖廣江西額引因乾隆  
五十三年以前口岸滯銷遞年積壓過多除陸續補銷  
外尚有一百二十二萬餘引一時斷難銷盡惟有將積  
引銳銷五十萬引停其捆運課銀攤入下綱分五年按  
引帶納其餘七十二萬餘引商人等辦鹽自場至儀至  
岸原額有半年鹽効在途輪流旋轉卽以抵作在途之  
數不占新綱地步如蒙

三  
卷之二十一  
俞允所有應銃之積引係各綱殘引零星不齊難於分別銃銷  
應卽於壬子見綱內銃五十萬引以抵舊引應銃之數  
部覆准行

乾隆五十八年三月戶部議覆江蘇巡撫兼署鹽政奇豐  
額奏淮北引鹽積滯請將壬子綱未運綱食引鹽全行  
銃銷其應徵課項及應帶丙午己酉兩綱銃引各款並  
帶銷辛亥等綱殘引一併分爲十綱帶完一摺查淮北  
引鹽自丙午己酉兩綱遞年積壓節經前任鹽政全德  
奏准銃銷五十八萬餘引今據奏稱辛亥等綱又遞壓  
至二十萬二千三百餘引以致壬子一綱二十九萬六

千九百餘引僅據請領四百引其餘全未行運引既不  
銷課無從出詢悉淮北商力不比淮南從前兩次銳引  
均係五年完課求限不寬致商力不能新舊兼顧復成  
壅塞請將王子綱未銷引鹽全行銳銷辛亥等綱殘引  
分年帶運其銳銷引課及應帶丙午己酉銳引各款並  
帶銷辛亥等綱殘引一體分爲十綱帶完自係該署鹽  
政日擊疲滯情形不得不寬予限期以疏積滯而紓商  
力應姑准照所奏辦理奉

旨依議欽此

乾隆五十九年二月戶部議覆鹽政董椿奏甯國等處食

鹽壅壓請將癸丑甲寅等綱新殘引目停其捆運課項  
分作五年完繳一摺查前據該鹽政奏報兩淮鹽務情  
形案內聲明甯國一府上江二縣因額引最多節年均  
有積壓行令地方官確查兩岸積鹽實數另行奏辦在  
案今據查明節年存岸之鹽甯國十萬餘引上江五萬  
餘引以致癸丑綱兩岸共未經請退八萬餘引實緣屢  
次銃引止能疏通未運之引其已經到岸之鹽不能撤  
回並銃新陳套搭層層積壓請將甲寅新綱癸丑殘引  
停其辦運讓出本年一年地步將口岸陳鹽趕銷自屬  
實在情形況該二處應納甲寅新綱十五萬餘引癸丑

殘綱八萬餘引課項援照乾隆二十三年停運額課分作十年帶徵之例請分五年帶徵所扣年限僅及一半應如所奏辦理再該鹽政附片奏稱甯國上江兩處每年約可行銷十二萬引上下嗣後每綱課項仍照十五萬餘引定額完納其運岸察看銷售情形酌量七八折辦運亦應准其試行並令將試辦情形於年底報部備核如以後可以多銷卽令逐漸增運以副原額嗣嘉慶元年十一月據運使會煥議詳上江一岸自八折運鹽之後雖勉力整頓而銷前積後套搭未清未便遞議加增甯國一岸係七折運鹽歲銷已有起色請將額鹽照

八折運行仍按十分完課經鹽政徵瑞批允

嘉慶二年三月戶部議覆鹽政徵瑞等奏江西丁巳綱及  
下年戊午綱額引內各停運五萬引抵銷積引其應徵  
引課分戊午己未兩綱完納一摺查乾隆五十七年前  
任鹽政全德奏准江廣積引一百二十餘萬請銑銷五  
十萬引其七十餘萬引抵作常川在途之數轆轤轉運  
在案今據奏稱江西原備在途之鹽二十餘萬引除帶  
銷外尙有十五萬餘引新殘並到一時勢難銷竣請停  
運丁巳戊午兩綱各五萬引以銷舊鹽是從前在途流  
抵之鹽見有到岸難銷之勢自應准其停運丁巳戊午

綱引各五萬道俾銷舊鹽以免堆積但課銀例應年清  
年額未便以舊鹽壅滯將應輸正項藉詞請展應請將  
停運引課仍照本綱完納毋得分年帶徵以杜懸空再  
查全德前奏原稱嗣後年清年款不致再有積壓因何  
奏准以來西引又復壅滯是否從前流抵之法有名無  
實抑係邇年閩粵私鹽闖入所致應令署江西巡撫台  
布將因何壅滯緣由並見在停運十萬引是否將舊鹽  
抵銷淨盡不致再有積引及流抵名目詳查報部奉

旨依議欽此嗣經江西巡撫飭據江西鹽道詳覆邇年以來緝  
私嚴密是以額引銷足之外帶銷積鹽四萬餘引委係

疏通有效並非有名無實亦非因鄰私闊人致有壓積  
茲奉奏請停運兩綱十萬引此後可期年清年額不致  
復有積引及流抵名目經護理巡撫萬甯咨覆戶部  
道光八年二月鹽政福珠隆阿奏稱竊照兩淮財賦之地  
國家經費所資關係甚鉅立法之初課則本輕成本亦賤  
商人獲利較豐迨後帶交漸多成本漸重商人不能稍  
沾餘利漸至裹足不前則岸銷因之愈絀因缺銷而積  
引因積引而積課迨至引課交積銃賠展帶成本增重  
轉運愈艱前任鹽政張青選於上年奏明清積展新案  
內請將殘引趕於六月運竣丙戌綱展至戊子二月奏

銷並因綱限遞遲一年聲明俟灑帶戊寅完竣抽出辛卯一綱再分十年帶運以復年額乃計算月日僅止十五六月以十五六月之期欲銷三百數十萬之引事本難期以致新殘雖請運過二百餘萬引而見在未運各引尙有一百數十萬道是勉副一年之額尙積一綱之引況帶運戊寅一分尙未完竣卽帶完之後又帶辛卯一分年復一年帶而又帶愈形支紬查兩淮額解正雜各課及內外帑利侵價共計四百餘萬兩自嘉慶十二年起至道光六年止統計三十年之中共解過內外餉銀八千一百數十萬兩均勻牽算每年亦祇四百餘萬

兩其餘商捐之項係將正雜錢糧墊撥均在此數之中  
卽加價亦並計在內較之常年應解之額並無增多蓋  
課從引出引藉商運每年運引祇有此數商力納課亦  
祇有此數乃近年額課四百餘萬之外又加清查案內  
帶款一百數十萬兩而帶引融引各課亦復每歲加增  
迨至上年加價商捐同時並舉核計丁亥一年解過新  
舊正帶內外各餉及加價商捐共銀六百萬兩不特較  
常額爲多且爲二十年來所僅有是以商力極疲庫儲  
愈絀輒轉設法幾至無可掩墊而見計欠解內外正雜  
各款尙有六百九十餘萬兩是雖解逾一年之額乃因

挪墊而占擋解款又因帶款而稽遲例課溯查道光二年清查四千數百萬兩分綱帶徵數載以來口岸既不能年額年銷則庫支仍不能各歸各款况從前奏明懸墊九百數十萬兩除將解款畫抵外不敷銀三百數十萬兩分甲申五綱歸還見尚有丙戌丁亥戊子三綱未歸銀一百五十餘萬兩仍屬挪墊套搭之根茲丙戌銷未及半丁亥尙未開綱則兩年之歲支雜項萬不能待綱竣開支計又墊支銀二百二十餘萬兩統計新舊懸墊銀三百八十餘萬兩見在戊子年分仍須墊發不特懸墊之源未清及懸墊之流亦不能截此引與課交積

卽商與庫交累而懸墊勢難截清之情形也臣自到任以來反復推求周諮博訪欲思年清年款之方必先爲年運年銷之法然積引積欠如此之多懸墊套搭如此之甚又值商力極疲之時非破格大加整頓不能收效因逐日督同運司傳集各商公全集議茲據運司鄭祖琛詳據淮南北總散各商稟稱兩淮因積引遞壓辦殘引卽不能辦新引是以引目不能年銷年額應請將淮南丙戌半綱丁亥一綱及丁亥以後灑帶戊寅各引並淮北乙酉殘引及丙戌丁亥兩綱引目全行銃銷情願賠課自戊子年起專辦戊子新引如本綱稍有積贖卽

於當年賠還錢糧其中淮南之江西甯國上江等岸引銷疲滯淮北道遠運艱商力尤乏若俱照舊運行恐致仍有積壓應請將江西甯國上江分別七八折行鹽完納十分課項淮北改三引爲四引併包止完正課以清課則而省運費所有江西等岸賠折引課及淮北雜款均歸淮南通綱代還限以五年歸復十分運引之額如此則引目必可年額年銷不致再有壅積又兩淮因積欠餉銀爲挪墊歲支占擋套搭以致前欠甫清而後欠又積是以正雜各款不能年清年款應請將前後挪墊歲支各款於欠解積餉內畫抵清楚入於賠課項下分

年帶徵帶解戊子年專辦戊子新綱一切正雜錢糧按期起解則課項年清年款可無絲毫拖欠至應賠見請銃引懸墊欠解各款錢糧及清查案內舊欠如仍照歷年展帶各案而於見綱起徵分帶成本愈形喫重恐蹈有名無實之故轍應請俟五年復額後於癸巳綱起將前項分十綱帶完其清查案內舊欠各款於癸卯綱起接續起徵仍照原限分二十七限帶完如此再無絲毫謬轄新章永守舊病減除其辛卯綱引毋庸提出分年帶運等情詳核所議銃殘帶之積引籌難銷之滯引則引可年額年銷寬銃賠之帶款完本綱之新賦則課可

年清年款均屬核實辦法可收實效惟須嚴定章程以昭法守復督同運司確切核議自戊子年起於綱首滾總按四季行鹽之法以十二箇月爲分數上季不還下季卽按名勒追不得過奏銷之限儻有取巧藉詞拖欠錢糧之玩商立予勒限監追如監追不完查抄治罪所欠課項責令通綱於當年賠完不准稍有藉延及另綱攤帶據總散各商出具連環切結由司詳請核奏前來臣覆查厯屆銃銷之案皆因祇籌已往未計將來以致旋銃旋積賠累徒滋今定爲年額年銷之法江西等滯岸旣已折減運行淮北又增引併包省費斷不致再有

積滯設或稍有尾零存積卽於綱竣時隨銃隨賠不使  
帶入新綱旣可綱隨年清亦復課隨綱足要非從前徒  
請銃銷者可比再四熟籌莫若澈底清釐將以前積引  
全銃讓出地步俾得專辦新綱引課其應繳見請銃賠  
及挪墊畫抵積餉並清查案內舊欠各款寬以年限再  
行分帶藉復元氣以廣招徠核計每年仍有實課四百  
餘萬兩應解無虞支紓而此外加價一百數十萬兩雖  
係取之於民亦從引鹽所出是較之二十年來解數實  
有多餘於

國課商情均有裨益合無仰懇

聖主逾格恩施俯如所請將淮南丙戌正帶半綱淮北丙戌乙酉各引及遞遲之淮南北丁亥全綱並丁亥以後淮南灑帶戊寅各引目統計三百三十三萬七千六百十八道全行銃銷一面將淮南北留運丙戌以前殘引趕於本年二月奏銷期內埽數銷完不使片引留占戊子新綱卽自戊子年開辦戊子綱按四季行鹽之法嚴行督催應解正雜錢糧部庫內務府京外各省帑利各款銀三百八十餘萬兩應報撥者入於春秋季報部候撥應分解者分兩次起解上半於十月內解完下半於次年二月奏銷後四月內解足每年參勦變價銀二十餘萬

兩仍照向例變解鹽飭加價銀一百八十餘萬兩仍遵  
部議由司道各庫按三箇月報部候撥其江西甯國上  
江等口岸分別七八折行鹽應完賠折內外正雜課項  
約四十餘萬兩又淮南商人代賠淮北內外雜款銀約  
十餘萬兩均於本綱賠完不留絲毫蒂欠如有取巧藉  
詞拖欠錢糧之玩商立予勒限監追如監追不完查抄  
從重治罪所欠之課責令通綱當年賠完如運使不據  
實詳辦將運使奏請交部議處鹽政不據實奏辦將鹽  
政交部議處永爲定章所有應賠丙戌以前統引解款  
及挪墊歲支畫抵欠解各款共銀六百九十一萬餘兩

並遞遲之丁亥及帶戊寅銃引應賠解款銀四百八十  
餘萬兩糧

恩俟賠折江西等口岸課項五年復額後卽自癸巳綱起將前  
項應賠銃引各解款共計一千一百七十一萬餘兩分  
十綱帶徵其清查案內舊欠各帶款原定甲申綱起分  
三十限帶完除已完三限銀兩外尙有二十七限自癸  
卯綱起仍按原限接徵歸款至前鹽政臣張青選奏請  
辛卯分綱帶運之案並請註銷如此澈底清釐寬其數  
十年來套積之虛名責以常年必供之額賦引旣豁然  
一清課亦終歸有著引目課賦必可年清年款如蒙

聖明俯鑒俞允另容臣逐款詳細造冊咨部所有籌計全局緣由臣與督臣蔣攸銛往返札商亦以爲此時兩淮鹽務若不疏通積引緩舊徵新更無補救之法意見相同謹會同恭摺具奏並繕清單敬呈

御覽旋據戶部覆奏查淮南淮北每年額銷鹽引一百六十九萬二千餘道按引徵銀額徵正雜各課及京外各衙門解款共銀四百餘萬兩近年引目滯銷課銀短絀據前任鹽政張青選於上年奏報滯引已積至兩綱約計三百數十萬道且自道光二年清查以後甲申等綱於額徵四百餘萬兩之外每綱又有帶徵銀一百六十餘萬

兩統計每年共應徵銀五百六十餘萬兩是兩淮積引  
日增帶課日重均應設法清釐今據該鹽政奏稱商人  
每年運引祇有此數納課亦祇有此數辦積引卽不能  
辦新引是以引目不能按年銷足引課亦不能按年清  
款請將淮南丙戌正帶半綱淮北乙酉殘綱丙戌全綱  
及淮南淮北丁亥全綱並丁亥以後淮南灑帶戊寅各  
引共三百三十三萬七千六百一十八道全行統銷賠  
完引課一面將留運丙戌以前殘引趕於本年二月奏  
銷期內埽數銷完卽自戊子年起專辦本綱新引每年  
實交課銀四百餘萬兩其中淮南之江西等岸行銷疲

滯應七八折行鹽完納十分課項淮北商力尤疲應改  
三引爲四引併包止完正課所有折引賠課及免完雜  
款均歸淮南通綱於當年代完限以五年歸復十分全  
額至五年復額後卽自癸巳綱起將應賠丁亥以前銃  
引各解款共銀一千一百七十一萬四千兩零分作十  
綱帶徵俟十綱徵完後再自癸卯綱起將清查案內舊  
欠帶款未完二十七限銀兩仍按原限接徵歸款從此  
引目課賦必可年清年款其辛卯綱引亦無庸提出分  
年帶運臣等查該鹽政所奏尙屬妥協應准如議辦理

互見  
商課

道光十年十二月戶部尙書王鼎侍郎寶興兩江總督陶澍奏庚寅綱見已冬杪尙未開綱行運而已丑仍有未完積引三分明年辛卯卽應開綱斷不能以一年而行三綱之鹽若再推展敷衍徒留虛名課仍無著且庫項解支各款又復糾纏套搭必致仍前挪掩奏銷難期核實應請於道光十一年正月卽開辛卯本綱所有庚寅未行綱引及己丑未完積引隨時帶銷另款存儲撥解俟將來辦有成效遇暢銷提綱之時仍將未完前引補銷以符原額

道光十一年正月兩江總督兼鹽政陶澍奏請每引捆鹽

以五百觔出場除額鹽三百六十四觔外仍加鹽二十  
觔並例給暑耗十六觔作爲常年拋灑准其免課其餘  
所加一百觔查庚寅未行綱引及己丑積引三分前經  
奏明隨時帶銷卽以此項帶銷之鹽作爲新引加觔照  
新綱科則每引完納正課錢糧其餘外支雜費毋庸加  
派約計本綱可帶完工正課銀五十餘萬兩不及五綱卽  
可將己庚未完工正課帶補全完再行按補應帶雜徵銀

兩戶部議准

互見引目

道光十一年三月運司俞德淵詳准辛卯綱己庚殘引徵  
收各項凡應入奏銷銀數皆爲正項應連織造等銀派

入帶完以符原奏每年帶徵五十餘萬兩之數未便僅  
以三錢整數完納淮南綱岸每引應帶徵已庚課銀三  
錢六分二釐零其餘各食岸各照科則派帶至淮北口  
岸亦應一體派完四分之一銀二錢二分六釐零統以  
加勑帶完正課名目專列一款徵收

道光十一年四月運司俞德淵詳淮北己丑綱鹽除前已  
借底馬之引應完錢糧仍歸原借各商繳還其餘未清  
綱鹽正課已同庚寅課核入辛卯綱淮北科則之內詳  
奉批准在案其未滾己丑見計六萬一千二百二十九  
引均係懸岸疲商所遺無從補滾應按引照向定每引

八分之價繳銀計算共應繳銀四千八百九十八兩三  
錢二分九九折實庫平四千八百四十九兩三錢二分  
七釐照辛卯綱額二十七萬二百七十二引攤派每引  
派繳一分七釐九毫四絲二忽四微三纖三沙隨課專  
款完納經鹽政陶澍批允

道光十一年四月運司俞德淵詳查淮北在前未請戊子  
殘綱計三萬九千三百五引上年奏准自庚寅綱起分  
爲十綱帶運其未請引內未完錢糧並前已借馬欠完  
錢糧共十七萬九千五百九兩一錢九分二釐奏明統  
分十綱帶完在案今庚寅未經開綱遞緩自辛卯綱起

將未請之戊子照十綱分派每綱計派帶運三千九百三十餘引每綱計派帶完錢糧一萬七千九百五十兩九錢二分此每綱應帶戊子錢糧照綱額二十七萬二百七十二引攤派每引計派完六分六釐四毫一絲七

忽九微七纖九沙

道光十二年二月鹽政陶澍奏准在前積欠各年侵價銀九十六萬四千餘兩自壬辰起至丙申止分作五綱帶徵

道光十二年十一月鹽政陶澍附片奏見在湖廣口岸銷數正旺應卽循照歷次成案將壬辰甯國等食鹽二十

三萬餘引全行融楚責令請辦壬辰綱商各按正帶融銷食引仍照舊綱科則均勻攤納每引應完二兩八錢三分三釐零與額定庫款無缺且楚西各商運食銷綱免完帶課更可將壬辰科則扯輕得與上綱相等辦運自可踴躍實爲一舉兩便

詳見  
融銷

道光十三年八月鹽政陶澍奏准自癸巳綱起淮南停止己庚帶課淮北票鹽仍舊攤帶

謹按嗣於十一月戶部議駁經陶澍奏仍應停帶十四年正月戶部咨覆准試辦一年十五年正月部咨以癸巳奏銷未完銷數與壬辰等令將己庚正課照

舊帶徵是月陶澍奏仍應停帶奉

特旨允行

道光十三年九月運司俞德淵詳准癸巳綱帶完蘆價一  
款應照壬辰一年發交蘆効數目派徵照例派歸西吉  
綱引專款帶完再淮北應帶己庚正課前於淮南停止  
加鹽案內聲請淮北分帶己庚未運課銀仍於溢課票  
引內按年銷算造報詳見商課

道光十四年十二月運司俞德淵詳准外帶蘆價一項照  
癸巳年奉發蘆効數目照例派歸楚西吉綱引內專款  
帶完又淮北應加帶己庚殘課仍於溢請票鹽內按年

銷算造報應帶完戊子正課仍應照數列入科則

詳見商課

道光十五年九月運司姚瑩詳准兩淮厯奉發內外帑本

不下數百萬兩俱因從前商人公借無存雖奉前鹽憲

奏准酌議綱分分別還本停利節經展限迄無帶徵之

期以致見在各商空賠利息應請自乙未綱楚西引內

每引酌帶公借帑本二錢安池太饒及各食岸依次遞

減八折二折帶完俟徵有成數再專案詳請還本停利

又甲午復價已於減存窩價銀內抵解乙未綱應卽帶

完本年價銀每引派徵二錢一分七釐零於楚西引內

專款帶完淮北仍照上綱辦理

詳見商課

道光十五年十二月戶部奏兩江總督陶澍奏請將乙未  
綱引分作十年帶運一案伏思淮南課額甲於天下全  
在該督悉心籌辦實力督催應銷之引年額年清應納  
之銀隨徵隨解總期

國課無支絀之患商情無渙散之虞永杜弊端以昭核實  
該督兼管鹽政迄今已歷四綱見因江廣口岸迭次被  
災運銷阻滯若非設法疏通將甫經扶起之局一蹶難  
支自係目擊情形儻不予以變通恐將來竭蹶周章轉  
得有所藉口若遽將全綱引目分帶十年臣部職掌度  
支誠恐課款宕延有關經費臣等公同酌議兩淮大局

課項商情兩有關係必須通盤籌畫庶無顧此失彼之  
虞方爲正辦至奏銷限制尤屬全綱要務定例完納一  
綱於次年二月題報前據該督奏請展限之後迄今尙  
未復歸原制自當及時整頓遵符原限應令卽自丙申  
綱起務於次年二月造報奏銷並令以後確遵定限斷  
不准再有推展以清綱分至所稱江廣災歉頻仍岸鹽  
壅滯請將乙未綱引分作十年帶運今丙申奏銷旣令  
提歸原限按綱核計亦僅寬予八箇月限期在大局無  
虞渙散在奏銷究復原制尙屬兩有裨益且據該督復  
奏分帶十年無虞壅滯臣等詳加復核似應勉如該督

所奏辦理惟分綱帶運果能將正雜銀兩按限徵完則  
課項均歸有著不過少需時日較之銃引僅賠正課者  
本屬不同無如歷來分帶各案除庚午綱淮北引目十  
三萬餘道按年銷足外其餘乙未丙子戊寅三綱均係  
分運數年卽行停止假令此次分帶不數綱而復思推  
展則是數百萬之課項終致虛懸仍屬有名無實與銃  
銷復何所區別再該督復奏雖逆計將來謂可無虧課  
款而屆時作何辦理尙未縷晰敷陳應請

敕下該督先事熟籌務將舊積岸鹽及時趕運新綱引目預計  
疏銷乙未綱支發各項並當籌款解清其辛卯以後帑

利等銀均須按綱完繳儻旣經分帶復蹈從前故轍丙  
申奏銷仍未能提歸原限以及各綱欠解之款尙復拖  
延乙未應支之項亦不能設法撥解致誤要需或將庫  
項借墊挪移又滋套搭是徒爲敷衍目前而非核實經  
久之方率令引宕課懸均歸無著應請惟該督臣陶澍  
是問

道光十六年二月運司劉萬程詳准乙未綱帶課章程

一乙未科則內帶帑本穀價緝私三款請刪除免帶也  
查乙未綱詳定科則楚西每引三兩九錢三分六釐零  
公借帑本尙非緊要又倉穀價銀前已帶過兩綱至今

銀未動用又緝私經費見在尙有存銀且有癸甲兩綱  
續完銀兩俟陸續徵完足數應用以上三款每引共銀  
三錢五分應請於乙未科則刪除毋庸再分十年攤帶  
一乙未科則內帶完積欠棟價請推展綱分也查歷  
年積欠棟價銀九十二萬一千餘兩經前奏明自壬辰  
起至丙申止分作五綱帶完每綱楚西每引應帶銀一  
錢五分八釐零除壬癸甲三綱已按數列帶外今乙未  
引課既經分年帶辦所有兩綱應帶積欠棟價銀兩請  
推展至丙申丁酉兩綱帶完帶解以符五綱原限毋庸  
仍列入乙未科則分作十年攤帶庶免稽遲一乙未

應變侵價請照案遞至丙申帶完也辛壬癸三綱奉發  
侵勦應行變價銀兩均係按年遞入壬癸甲三綱帶完  
其甲午侵價原應遞入乙未因辛壬癸甲四綱有溢帶  
吉安同江甘融楚窩價前經畫解甲午侵價是以乙未  
侵價卽入見綱徵收今乙未綱引雖奏准分年帶辦而  
應變侵價恐難遲緩應請照案遞入丙申綱完納以後  
均按年遞入下綱俾得年清年款查乙未應帶甲午年  
奉發侵勦嗣於奏咨乙未分十綱帶完各款冊內將此  
款一律分十年帶徵是徵存各綱窩價餘銀應存分十  
綱帶解一乙未列徵正雜各項課銀請分作十成按

成列入丙申等科則內彙徵也查乙未科則楚西每引  
三兩九錢三分六釐零如帑本穀價緝費三款共銀三  
錢五分均蒙刪除免帶積欠侵價推展至丁酉綱徵完  
乙未侵價遞至丙申綱引徵收計每引僅止三兩四錢  
二分八釐零勻分十年每引止須帶徵銀三錢四分二  
釐零應請列入丙申等十綱科則之內於請呈加時分  
完庶正綱請竣而乙未課銀亦隨同完足得以同時造  
報不致積壓稽延一乙未所墊在外歲支各款請毋  
庸另行籌補也查乙未綱課完納無幾而乙未年辦貢  
辦公及外支雜項均已墊用統計銀不下七十萬兩原

應在於新綱內帶補歸墊但以一綱帶兩年支款科則  
過重查預籌經費銀六十萬兩本爲墊發歲支各款可  
以之抵除再於丙申帶完乙未一分歸還預籌經費應  
請毋庸於新綱內先行籌補以輕科則 一丙申科則  
請再酌減以容帶款並將緝私一錢改爲籌墊解款以  
應奉催乙未應解緊需也查丙申科則如照乙未列徵  
三兩九錢三分六釐零扣除雜費項下閏月利銀三分  
五釐零實銀三兩九錢零惟內有帑本二錢倉穀五分  
均可從緩應俟引鹽暢銷再行酌帶丙申綱暫行刪除  
又外帶緝私經費尙有存銀一二萬兩並有各前綱未

經徵完銀十一萬餘兩俟陸續徵完足敷支用並請將此款刪去改爲籌墊解款名目仍每引列徵一錢內申綱可徵銀十二萬餘兩遇奉催乙未緊要帑利又部科飯食等銀先行酌量墊解計每引止須完銀三兩六錢五分零加入應帶一成乙未正雜各款銀三錢四分三釐零每引共止三兩九錢九分三釐仍與乙未科則不相上下庶幾成本不致加重一丙申正鹽請先儘捆運俟銷暢旺再運應帶乙未鹽觔以免續有積壓也查部議令來年二月奏銷期止一年見將丙申正帶科則分別減輕每引止四兩以內應令各商照數完納先儘

正鹽摺運一面將各前綱殘鹽同時趕運完竣在商人  
仍係每引完納四兩之課摺運四百觔之鹽旣無所損  
而應帶乙未課項卽在每引四兩之內無事另催於正  
課亦覺簡便其應行帶運鹽觔俟岸銷實旺再察情形  
將乙丙兩綱所減帑本等款按引扯派令其補完按成  
摺運濟售一已請乙未綱引鹽應改作丙申也查上  
年乙未開綱後僅據各商納過楚西三千五十引尙未  
請票重鹽其江甘融楚及各食岸共請運過十萬數千  
餘引均請改作丙申將已完課銀按照丙申科則逐款  
畫撥多領多補以清庫款

道光十六年三月運司劉萬程詳准丙申酌帶乙未綱初  
限應徵正雜各款計楚西每引三錢四分三釐零分爲  
請單時徵完報部正項一錢九分五釐零呈綱時徵完  
帑利五分九釐零加斤時徵完辦貢辦公外支各款八  
分七釐共合三錢四分二釐零另再籌墾解款一錢以  
爲墾應奉催乙未綱緊要解款又乙未釐價應遞入丙  
申綱帶徵連皮價銀每引派完二錢一分二釐零於楚  
西吉引內專款帶徵又淮北應帶戊子正課均照上綱  
列帶

道光十七年五月護運司姚瑩詳呈綱雜費內上綱有帶

徵積欠釐價丁酉屆五綱之後應行起除免徵第查在  
前乙未綱應徵積欠釐價須隨同綱引分十綱帶完所  
有丙申應帶一分數銀上年因科則刊定未經入帶今  
除丁酉本綱列帶外仍應補帶上綱一分數銀丙申綱  
尙有減除釐價六萬餘兩前據商稟詳准畫收丙申應  
帶乙未正綱一分釐價二萬二千餘兩應請將丙申應  
帶乙未一分積欠釐價統於前項減除釐價內畫補至  
甯國口岸向係七折行鹽十分納課應將該岸呈綱雜  
費每引少完八分俾科則稍爲未減所減之銀加入楚  
西徵完又上綱丙申科則有外帶籌墾解款一錢今丁

酉已無須再帶查各商有墊徵庚寅年楚岸利息銀款及應領楚岸撥收匣費之道光七八九十年宜昌鹽價均由北鹽道給發印本應行抵定錢糧因此項利息匣費係在道光十年以前積欠數內無款可動未經給致以致商本占擋難以轉輸並請酌帶歸補墊款一錢給商抵銷又緝私經費循照甲午每引酌帶八分安池太各食岸等均一律遞減派徵以上統計楚西科則連帶乙未正雜各課每引其徵三兩九錢八分六釐零較之上綱丙申仍減輕六釐六毫零又應帶丙申年奉發侵勦皮張價並帶徵乙未應帶甲午一分侵價其銀十五

萬二千五百五十四兩三錢四分五釐仍照前經詳定  
整數列徵二十萬兩每引派徵一錢九分三釐八毫以  
便及早起解至淮北科則仍照上綱徵完合將淮南綱  
食各岸核定應徵正雜課款先行開冊詳候批示再如  
各商借領帑本等銀二十五萬前經詳准自丁酉綱起  
分五綱帶還應令原借各商於請發梶水時按引完繳  
列入科則等情經鹽政批據議丁酉新綱應行列徵各  
款及應起除之項其應照案辦理者自屬無可更易應  
如詳行惟查丙申未經列帶之乙未一分積欠侵價請  
於丙申綱減除侵價餘存銀內畫補等情查此項餘存

銀兩尙未徵存在庫而丙申正綱釐價業已解清儉經  
內務府以正綱已解帶乙未一分積欠亦應解清咨催  
趕解前來其將何款應解此須預爲籌計毋致臨時棘  
手至甯國見係七折行鹽十分納課據議請該岸呈綱  
雜費每引少完八分加入楚西引內徵完此因甯國引  
減課重爲一時調劑起見事尙可行惟甯國認商自丁  
酉新綱起必須於奏銷前照折請運全完毋許懸宕如  
屆期仍有未請卽將該商正雜課銀勒令該商全數完  
庫不准藉詞延欠又上綱丙申科則列有籌墊解款一  
錢今丁酉旣無須再帶自應將此議出地步查照前綱

帶完帑本之議列帶一錢漸歸懸欠何得以道光十年  
積欠數內商墊之庚寅楚岸息銀及應領楚省撥解匣  
費之道光七八九十年宜昌鹽價十一萬五千九百餘  
兩遽以歸補墊款名目列帶給抵查有道光十年積欠  
課帑數千餘萬尙且虛懸而商墊安有先准帶完之理  
所請礙難准行仰卽改爲帑本名目列於科則帶徵至  
丙申年奉發侵價前因必須本年年內起解業經明晰  
札司妥爲籌計今仍據議請同皮張價銀列於本綱引  
內徵完雖侵價皮張止須解銀十五萬三千五百餘兩  
而科則見議按二十萬整數派徵似乎銀數較多可將

先完銀兩應解殊不知上年侵價係派徵銀二十一萬七千餘兩嗣於冬閒起解時甫完銀五萬五千餘兩本年縱卽催課加緊恐亦難於徵足十五萬餘兩之數若竟照議辦理必致有誤起解應仍再行籌議提前早完另具妥詳以憑察奪再各商帶還借領帑本等銀二十五萬兩見已另批飭遵旋據護運司詳覆查丙申綱減除侵價六萬餘兩雖未全行徵存第丙申綱引已於奏銷時各商投請八分一釐惟有嚴催各商照投請之數將侵價銀兩趕緊完納俟奉咨催趕解卽於前催已完數內動支解交至厯年奉發侵勦變價銀兩向於楚西

鹽內按引攤派列入科則徵完今丁酉年蘆勦皮張及  
帶乙一分變價止須解銀十五萬三千五百餘兩見請  
於科則整數列徵二十萬兩完足八分卽數起解且於  
請單時首先完納未能再行提前亦惟有責令各商按  
照丙申請運引數將丁酉新引內帶徵蘆價一款趕早  
先完以應解需而免遲誤除遵奉憲批將歸補墊款一  
項改爲帶完帑本名目同其餘正雜各款刊刻科則諭  
商遵照投完外理合詳覆經鹽政陶澍批准

道光十八年八月署運司沈拱辰詳稱查淮北帶完己庚  
殘課應自辛卯綱起至丁酉綱止每綱帶徵銀七萬五

千八十三兩七錢四分除辛卯至丙申六綱已經帶徵  
造報外其丁酉尾限應帶銀內祇須找報殘課銀六萬  
八千一百三十七兩六錢八分二釐餘銀六千九百四  
十六兩五分八釐原經詳請聲明留爲帶徵節年府部  
衙門銀款茲奉奏准將丁酉尾限應帶課銀派入江運  
並天長一岸分四綱帶完查江運並天長額行八萬一  
千六百二十引每引加帶殘鹽一百觔該帶完四分之  
一正課銀二錢六分二釐六毫五絲六忽二微一纖六  
沙每綱計該徵完銀二萬一千四百三十八兩三毫五  
絲丁酉戊戌己亥庚子四綱共該徵完銀八萬五千七

百五十二兩一釐四毫內除找補前項正課銀六萬八  
千一百三十七兩六錢八分二釐又前詳咨明留帶徵  
節年府部款銀六千九百四十六兩五分八釐仍餘銀  
一萬六百六十八兩二錢六分一釐四毫應請一併存  
爲帶徵節年府等衙門銀款之用經鹽政陶澍批准

兩淮鹽法志卷七十

唐連門 袁曉 希望

七

兩淮鹽法志卷七十一

督銷門

兌行票法新章

自長江梗阻以來湖南北借食川鹽粵鹽江西借食浙  
粵之鹽淮南引地盡付淪胥而淮北又有餉鹽之害官  
商交困同治二年江路肅清鹽政曾國藩始規復淮南  
引岸反復討論釐定新章淮北則減溢引十六萬餘引  
僅照舊額二十九萬餘引循環運銷引不增而課反盈  
規模宏遠矣然考道光末年淮南亦旣改票其法亦頗  
周密卒之眾志不一小販搶售跌價幾於一蹶弗振適

值寇亂大起票法不行故曾國藩深鑒前失乃設總棧  
以保場價設督銷局以保岸價整輪挨售皆以大員綜  
其事二十年來

國課充盈豈非明效大驗耶志票法新章

淮南票法新章

同治二年八月鹽政曾國藩核定淮鹽西岸認運章程八  
條 第一條泰州設招商局江路通暢亟應重整淮綱  
見於泰州設立招商總局本部堂檄委大員駐局經理  
先辦江西口岸每年定運十萬引仍照舊例以六百斤  
成引分作春秋兩綱毋論官紳商富悉准赴局具呈認

辦以五百引爲始願多者聽少者不准挂號後限一月  
內領照開江逾限卽將所挂之號註銷每綱認足五萬  
引卽行截數本部堂已刊三聯護照發交泰州總局由  
局填發以照根留泰州存查以左照封寄江西總局以  
中照給商護運鹽與票離卽以私論 第二條江西設  
督銷局規復引地以保價緝私爲要本部堂檄委大員  
於江西省城設局專理售鹽定價扣釐緝私等事鹽船  
抵岸挂號後按所到先後榜示局門挨次發售不准爭  
先壓後亦不准私相授受跌價搶銷所售之鹽已頒發  
庫稱連皮包過稱每百斤定價庫平足紋見銀三兩五

錢不准絲毫短少如銷市暢旺由西局酌量出示提價至滯銷之時仍於所提價內酌減至賤以三兩五錢爲止以保商本 第三條三處截角查私此次辦運改復

綱鹽章程以六百斤爲一引外加滷耗六十斤包索三

斤半每引分裝八包每包連包索重八十六斤未接此  
刊本章

程之先業已裝十二包成引聽之照斤  
扣算自見此刊章後概以八包成引

由泰州抽查過

稱將護票截去第一角運至安慶又抽查過稱截去第

二角運至湖口又抽查過稱截去第三角如有包外夾

帶私鹽毋論本商及船戶水手均照販私例治罪各商

亦宜實給水腳銀錢毋稍剋扣免致水手帶私連累本

商一經查出重斤照全船包數扣算將鹽充公嗣後如無本部堂護照及未經按卡截角者一概不准過卡如違重究 第四條加重鄰私釐稅江西十府例行淮鹽近年爲粵私浙私閩私侵占奪我淮引之地應卽重稅鄰私俾鄰本重而淮本輕庶淮商之獲利較厚而鄰鹽亦可化私爲官見飭江西各釐局將鄰鹽釐稅加重閩鹽每斤徵錢八文浙粵鹽每斤各徵錢十二文責成各卡認真緝私嚴拏繞越以免偷漏其新章發售之淮鹽由西局另刊水程執照蓋用江西鹽道關防填給水販護運與鄰鹽之發給稅單者不相混淆經過淮引地面

釐卡一律放行不准重扣絲毫留難片刻如鹽與水程  
執照相離者卽以私論 第五條計算本利各款棧鹽  
每引八包連正雜課暨鹽價在內約本銀五兩五錢二  
分又繳泰州局費銀一錢八分都營賞犒銀四分八釐  
駁船江船商夥辛工棧租等費銀四兩四分二釐共計  
成本每引約銀九兩七錢九分正鹽六百斤西局售價  
銀二十一兩除每引由西局扣存各卡釐銀九兩四錢  
四分西局公費銀三錢外餘銀給還商本銀九兩七錢  
九分給商一分半息銀一兩四錢七分共銀十一兩二  
錢六分交商具領以利續運如遇暢銷之時提價至三

兩五錢以外者所增之銀以三成給商三成解安慶糧  
釐四成解金陵大營至於商人自用之小費在泰州具  
呈時應繳局費銀一錢八分到西岸後倉租棧租上力  
均係商人自行理落其售鹽時出倉下河等費出自水  
販一一預先說定各無爭競凡經本部堂核定數目如  
有私加及書役人等需索分文准商販稟明嚴行懲辦  
第六條補完各處釐金近年各路軍營皆賴抽釐濟  
餉如揚州大營鎮江大營金陵大營皖江南北水陸各  
營所設之卡皆以鹽釐爲大宗此次整頓淮綱斷不能  
仍完逐卡之釐而各軍需餉甚急又斷不能失此有著

之款應令於初次起運暫緩完釐俟到江西銷售之後  
由西局彙總扣出江西釐銀每引一兩五錢由西局徑  
解吳城釐金局彭部堂軍餉在內其餘銀七兩九錢四分均解

安慶牙釐總局由該局分解金陵大營釐銀每引三兩  
四錢五分解揚鎮軍營釐銀每引一兩二錢解沙漫洲  
糧臺捐銀每引三錢二分安慶各卡每引銀二兩九錢  
七分內彭部堂營楊軍門營鮑軍門營韋軍志字營湘  
新後營祥字後營善後局暨江外糧臺應分之銀向例  
歸安慶七卡者均在此項分之其李軍門通江關釐卡  
業經另籌每月一萬二千兩作抵江甯府楊守礮船釐

金業經另文停止以每引計之則各軍所得較向來畧少以一年全綱十萬引計之則較向來所得更多再加兩湖全綱則所得尤多矣祇有初行兩箇月畧爲展緩到三四箇月後則源源解還不誤各軍要需 第七條商運官運畫一本部堂見定新章重在商運期復綱鹽規模毋論官運營運總應與商販一律辦理不得絲毫取巧亦不得再立營運餉鹽名目至各營有藉食鹽爲名私自下場採買希圖不完釐課卽與販私無異見已通行出示禁止如敢違犯無論何營員弁查出一律嚴辦 第八條沿途並無艱險自克復九洑洲後長江一

律肅清商船暢行見飭沿江水陸各營及沿途關卡凡  
新章淮鹽經過驗明護照一體放行並派礮船護送不  
得需索分文留難片刻其儀徵九洑洲中關等處由金  
陵大營曾撫部院特派文武大員催趲防護可期暢行  
無阻如有雇船不慎斤兩有虧係各商照料不周毋得  
藉口短斤希圖減釐儻有遭風失水情事准其報明所  
在地方官勘詳一面申送泰州總局補運准免釐金一  
半如無地方官勘明切結不准請補

同治二年十月鹽政曾國藩札照得江西新章引鹽先行  
開辦五萬引業經本部堂檄飭萬署臬司暨程道分招

承運在案惟辦鹽以招商爲急而招商又以籌運爲先  
必須隨請隨運庶趕銷一引之鹽得收一引之銀於課  
餉方有實濟茲查泰州自開招商局以後並未有新章  
引鹽過皖風聞在局空自認引者紛紛殊滋流弊蓋新  
章有利可獲人人樂從先來認引者無不以多爲貴卽  
使無此力量亦謂可以陸續轉輸殊不知額引一經空  
占後來者有本無引勢必向有引之商出銀買引此卽  
從前之所謂根窩近日之所謂帽子頭試問

國課未輸而先任若輩空中得此引價有是理乎此等弊端  
不可不嚴防其漸亟應分立限期嚴禁轉賣凡有招

到之商必先問明此檔實在能運若干方准給引若干  
一檔歸一檔不准預先空認其在泰招到者應仍限一  
箇月在皖招到者限一箇半月在西招到者限兩箇月  
赴局領照開江逾限不到卽行註銷該司道等派招之  
引未經招足以前若此有引而無商彼有商而無引皆  
准通融撥運方足廣招徠而杜把持

同治二年十月鹽政曾國藩核定淮鹽運楚章程八條

第一條泰州設招商局江路通暢亟應重整淮綱本部  
堂先於泰州設立西岸招商總局檄委大員駐局經理  
茲接辦楚岸添派大員併歸一局辦理湖北每年定運

十六萬引湖南每年定運八萬引照舊例以六百斤成  
引分四季起運每季四萬引毋論官紳商富悉准赴局  
具呈認辦以五百引爲始願多者聽少者不准挂號後  
限一月內領照開江逾限卽將所挂之號註銷本部堂  
已刊三聯護照發交泰州總局由局填發以照根留泰  
州存查以中照給商護運以左照封寄漢口總局如有  
運赴湖南者在漢呈明由漢局將左照轉送湖南總局  
第二條兩湖設督銷局規復引地以保價緝私爲要  
本部堂檄委大員於湖北之漢口鎮設立總局專理售  
鹽定價抽釐緝私等事鹽船抵岸挂號後按所到先後

榜示局門挨次發售不准爭先壓後亦不准私相授受  
跌價搶銷兩湖所售之鹽已頒發庫稱連皮包過稱每  
百斤定價庫平紋見銀四兩不准絲毫短少如銷市暢  
旺由局員酌量出示提價至銷滯之時仍於所提價內  
酌減至賤以四兩爲止以保商本向有商販不至漢口  
卽於下游武穴田家鎮漳源口等處發售應另於入楚  
境之武穴地方設立分局仍歸漢口總局兼管照章辦  
理至湖南應另設督銷局業經咨商湖南撫院會委大  
員督辦淮鹽入湘另增水腳每引四錢准於售價內扣  
出連加分半利銀六分一併給還商人沿途概不完釐

統俟鹽到湘後由局員照章扣解 第三條四處截角  
查私此次辦運改復綱鹽章程以六百斤爲一引外加  
滷耗六十斤包索三斤半每引分裝八包每包連包索  
重八十六斤由秦州抽查過稱將護票截去第一角運  
至安慶又抽查過稱截去第二角運至武穴又抽查過  
稱截去第三角運赴湖南者再由漢口抽查過稱截去  
第四角如有包外夾帶私鹽毋論本商及船戶水手均  
照販私例治罪各商亦宜實給水腳銀錢毋稍剋扣免  
致水手帶私連累本商一經查出重斤照全船包數扣  
算將鹽充公嗣後如無本部堂護照及未按卡截角者

一概不准過卡如有偷漏到岸卽照私販拏辦其漢鎮  
及湖南設局之後所有在岸舊鹽毋論官運營運一律  
歸局發售係已完釐課之鹽應如何補提餘利充餉由  
局員核明市價稟明辦理 第四條加重鄰私釐稅湖  
南湖北均例行淮鹽近年爲粵私川私潞私侵占奪我  
淮引之地應卽重稅鄰私俾鄰本重而淮本輕庶淮商  
之獲利較厚而鄰鹽亦可化私爲官見咨兩湖總督部  
堂湖南北巡撫部院將鄰鹽稅加抽川鹽入鄂於荊州  
加抽釐錢每斤八文粵鹽入湘於衡州加抽釐錢每斤  
八文其錢以五文歸兩淮鹽政重引地也以三文歸鄂

湘督撫重卡地也新章發售之淮鹽由鄂湘督銷局另  
刊水程執照蓋用湖北湖南鹽道關防填給水販護運  
鄰鹽發給稅單亦蓋鹽道關防如鄰私違抗不領稅單  
擅侵引地者本部堂派礮船緝拏鹽則入官販則治罪  
至楚岸鹽行向係鹽務衙門專管應由總局委員將見  
開各行造冊詳報如有欺商欠課得賄售私等弊隨時  
稟明拏究 第五條計算本利各欵棧鹽每引八包連  
正雜課暨鹽價在內約本銀五兩五錢二分又繳泰州  
局費銀一錢八分都營賞犒銀四分八釐礮船江船商  
夥辛工棧租等費銀四兩四錢四分二釐共計湖北成

本每引約銀十兩一錢九分正鹽六百斤漢局售價銀二十四兩除每引由楚局扣存釐稅銀十一兩九錢八分楚局公費銀三錢外餘銀給還商本銀十兩一錢九分給商一分半息銀一兩五錢三分共銀十一兩七錢二分交商具領以利續運其滯耗包索餘斤均准貼商以廣招徠如遇暢銷之時提價至四兩以外者所增之銀以三成給商七成解安慶糧臺至於商人自用之小費在泰州具呈時應繳局費銀一錢八分到岸後船戶坐日等項均係商人自行理落其售鹽時挑力等費出自水販一一預先說定各無爭競凡經本部堂核定數

自如有私加及書役人等需索分文准商販稟明嚴行  
懲辦湖南成本每引加四錢六分給商餘俱照辦 第  
六條補完各處釐金近年各路軍營皆賴抽釐濟餉如  
揚州大營鎮江大營金陵大營江南北水路各營所設  
之卡皆以鹽釐爲大宗此次頓整淮綱斷不能仍完逐  
卡之釐而各營需餉甚急又斷不能失此有著之欵應  
令於初次起運暫緩完釐湖北之鹽俟到漢岸售銷之  
後由漢局彙總扣出釐稅銀每引一兩九錢八分內  
應派楚釐銀四兩二錢每斤九文半解交湖北牙釐局又應  
派揚鎮軍營釐銀每引一兩二錢又沙漫洲糧臺釐銀

每引三錢二分均解交揚州糧臺又九江關稅銀每引一錢四分解交九江關道又安慶各卡每引銀二兩九錢七分解交安慶牙釐局分解各營漢局所扣釐金除分派外尙餘銀三兩一錢五分應解安慶糧臺湖南之鹽僅由湖北經過湖北不能全收九文半之釐應以二文半歸鄂以七文歸湘其餘悉照湖北之例由湘局彙總抽出除分解鄂釐及各軍外尙餘銀二兩六錢九分亦歸安慶糧臺其李軍門通江關釐卡業經另籌抵欵江甯府楊守礮船釐金業經另文停止至各軍應分之釐祇有初行時畧爲展緩以後源源解還不致有誤

第七條商運官運畫一本部堂新章重在商運期復綱  
鹽規模毋論官運營運總應與商販一律辦理不得絲  
毫取巧亦不得再立營運餉鹽名目至各營有藉食鹽  
爲名私自下場採買希圖不完釐課卽與販私無異見  
已通行出示禁止如敢違犯無論何營員弁查出一律  
嚴辦 第八條沿途並無艱阻自克復九洑洲後長江  
一律肅清商販暢行見飭沿江水陸各營及沿途關卡  
凡新章淮鹽經過驗明護照一體放行並派礮船護送  
不得需索分文留難片刻其儀徵九洑洲中關等處由  
金陵大營曾撫部院特派文武大員催趲防護可期暢

行無阻如有雇船不慎斤兩有虧係各商照料不周毋得藉口短斤希圖減釐儻有遭風失水情事准其報明地方官勘詳一面申送泰州總局補運准免釐金一半如無地方官勘明切結不准請補

謹按以上鄂岸湘岸章程其第七第八兩條與淮鹽運西同因各岸各辦當並錄存

同治三年正月鹽政曾國藩奏伏查淮南鹽課甲於天下自長江梗阻引岸廢弛疊經前督臣於咸豐四年奏辦就場抽稅販戶下場捆鹽收課甚微又於七年奏改設局徵收令水販就棧採買稍有成效但每年所徵課銀

較全盛時尚不及十分之一總因楚西引地未通鹽無去路是以課無來源見在江路肅清運道暢行無阻所有楚西各岸自應趕緊設法運鹽濟售力圖整理而籌辦之難大端有二一在鄰鹽之侵灌太久西岸則食浙私粵私而兼以閩私楚岸則食川私粵私而兼以潞私引地被占將及十年民旣藉此以濟食官亦藉此以抽釐積重難返久假不歸勢不能驟行禁絕一在釐卡之設立太多淮鹽出江自儀徵而金柱關而荻港而大通而安慶而華陽鎮以達於楚西層層設卡處處報稅均以鹽釐爲大宗諸軍仰食性命相依勢不能概行裁撤

臣博訪眾論核定新章按切今日之時勢仍倣昔年之成法大致不外乎疏銷輕本保價杜私四者請爲我

皇上粗陳其畧自鄰鹽侵占淮界本輕利厚淮鹽不能與之相敵江楚百餘州縣徧地皆是查之不勝其煩堵之且恐生變計惟重稅鄰私俾鄰本重而淮本輕庶鄰鹽可以化私爲官而淮鹽亦得逐漸進步見已咨明湖廣江西各督撫將鄰私釐金酌量加抽聽鄰鹽與淮鹽並行不悖譬之田產被客民占據田主初歸姑與客分耕而食待至淮運日多銷路日暢然後逐占田之客申鄰鹽之禁此疏銷之畧也近年楚西之鹽每引完釐約共在十

五兩以上所分濟者下游爲都興阿之餉馮子材之餉  
李世忠之餉上游爲臣與官文部下之餉皆萬不可停  
者臣與各處咨商鹽釐不能全停未始不可暫緩除揚  
鎮兩防宜照舊額外其餘未始不可少減臣酌定新章  
前之逢卡抽收者今改爲到岸銷售後彙總完釐分解  
各軍前之收十五兩有奇者今改爲楚岸每引抽銀十  
一兩九錢八分西岸每引抽銀九兩四錢四分皖岸每  
引抽銀四兩四錢既減釐以便商又先售而後納此輕  
本之畧也商販挾貲求利無不願價值常昂保而勿失  
然不由官主持往往見小欲速跌價搶售其始一二姦

商零販但求卸貨而先銷不肯守日而賠利其後彼此爭先愈跌愈賤如風捲潮退雖欲挽回以保成本而不可得官與商俱受其害見於楚西各岸設立督銷局派委大員駐局經理鹽運到岸令商販投局挂號懸牌定價挨次輪銷時而鹽少小民無食貴之虞時而銷滯商賈無虧本之虞此保價之畧也鹽法首重緝私大夥私梟明目張膽猶不難派兵捕拏最易偷漏者包內之重斤船戶之夾帶所謂官中之私查禁尤難見經改復道光三十年舊章每引正鹽六百斤分捆八包每包另給滷耗七斤半包索三斤半共重八十六斤由臣刊發大

票隨時填給並於大勝關大通安慶等處派員驗票截  
角加有重斤夾帶立卽嚴加懲究提鹽充公其各岸之  
兼行鄰鹽者亦必另給稅單苟無單而販私卽按律而  
科罪此杜私之畧也茲四者均就目前之要務及道光  
年閒之成規參酌之損益之無論官運營運悉照商運  
一律辦理至應完課銀因鹽釐爲數過重未能遽議加  
增仍照咸豐七年奏案徵收向來鹽課按半年奏報一  
次今擬將各處彙收之釐亦分上下半年隨課並報以  
便部臣有所稽考惟兵燹之餘民戶大減以今日之民  
數照承平之額引恐運銷不及一半加以鄰私充斥挽

復非易殷商絕少招徠尤難能否漸有起色殊無把握  
臣惟有督飭署運使忠廉實力講求以期

國課軍需兩有裨益奉

旨戶部議奏欽此是年三月戶部議覆伏查淮南鹽務自長江  
梗阻以來引岸廢弛課項虛懸見在江路肅清自應迅  
籌整頓茲據曾國藩奏稱近年運道暢通楚西各岸擬  
卽運鹽濟售因陳疏銷輕本保價杜私四條無論官運  
營運悉照商販一律辦理應完課銀照咸豐七年奏案  
徵收半年奏報一次並將各處釐金隨課並報等因臣  
等查該督所稱各條大率就目前之時勢參往日之成

規變通籌辦內如疏銷一條據稱鄰私侵占淮鹽不能  
相敵惟重稅鄰私俾鄰本重而淮本輕庶鄰鹽可以化  
私爲官而淮鹽亦得逐漸進步見已咨明湖廣江西各  
督撫並行不悖等語查湖廣江西大半淮南引地運道  
旣經通暢卽應禁絕鄰私以清引岸惟自咸豐初年淮  
運疲滯久被鄰私侵占刻下規模甫立積弊未能速除  
該督先擬重稅鄰私以輕淮本自係目前權宜之計應  
令湖廣江西各督撫暫行照辦一俟淮鹽暢行應卽申  
明舊章嚴禁鄰私毋任侵占如有冒允淮鹽意圖輕稅  
仍照私鹽定例辦理又輕本一條據稱近來楚西之鹽

每引完釐約十五兩以上見擬分別減釐以便商運等語查釐卡過多官商裹足欲復舊制急宜裁釐祇以各營需餉尙殷一時礙難盡撤該督將釐卡釐分別減輕使釐課不致偏廢亦屬因時制宜之道此後軍務漸清仍卽將釐卡次第刪除俾各商照舊納課以復舊規至保價杜私二條據稱商販運鹽價值不齊見於楚西各岸設立督銷局派委大員經理並改復舊章每引正鹽六百斤分捆八包另給滷耗七斤半包索三斤半如有重斤夾帶即行嚴懲等語查商販惟利是圖難保無重斤夾帶茲據該督改定每引正鹽六百斤分作八包每包

復給滬耗包索十餘斤所以體恤商販者無微不至如  
再有前項情弊立即提鹽充公重懲勿貸至派委大員  
駐局經理一節應令慎選廉明公正之員奏派任事如  
有包庇影射等情卽予嚴參毋稍徇隱原奏又稱應完  
課銀照咸豐七年奏案徵收等語查淮南科則每引六  
百斤應徵入奏正雜課銀三兩零又不入奏雜課銀三  
兩零統計每引徵銀六兩一錢三分零咸豐七年淮鹽  
片引不行暫改設局收稅每百斤抽銀一錢五分較之  
課額不及十分之二見旣改復引鹽卽應按引徵課迺  
據奏稱仍照咸豐七年奏案徵收雖因釐卡尙多礙難

加課但以引鹽照抽稅章程徵納爲數太少相應請

旨敕下兩江總督曾國藩再將應徵課銀悉心妥議或照從前科則暫行減半徵收每引僅徵正雜課銀三兩零已屬大爲輕減如以減半徵納尚難照辦則該督所謂運道暢通力籌整頓者其利幾何嗣後仍俟銷路漸旺卽行按照舊額全數徵收以符成案再稱所徵課銀按半年奏報一次並將各處釐金隨課并報一節查淮南鹽課例應次年二月奏銷自道光二十三年引滯商疲分限於二月題報一次八月題報全完該督擬按半年奏報一次與從前分報年限尙屬相符釐金隨課報部亦屬

周密均應如所奏辦理至奏銷冊結應仍令於次年二月造送到部毋稍遲延再淮鹽既復引額所有歷年部頒引張亟應截數繳銷以免弊混將來仍按年派員赴

部領引庶運銷數目有所稽察奉

旨依議欽此

同治三年三月鹽政曾國藩檄照得楚西皖新章引鹽請運頗稱踴躍西岸頭檔之鹽業已售竣計利甚厚楚岸新鹽將次抵岸各運商亦必大沾餘潤惟泰州棧價原定時本不寬裕場商獲利較薄未免意存觀望查運商與場商脣齒相依今運商旣獲厚利自應酌加棧價津

貼場商庶期廣收備運不致有缺乏之虞見經本部堂  
酌加通屬棧價每包一百二十文泰屬棧價每包八十  
文其計每引入百文合銀六錢此項銀兩卽統歸楚西  
商本內核計原不過形喫重但本部堂又恐商鹽到岸  
或遇銷滯如此成本究不足以示體恤今酌定楚西商  
鹽所加棧價六錢運商祇出一半由官認還一半將來  
增本之鹽到岸西岸卽在應解安慶之三兩一錢五分內  
內扣出三錢貼補場商湖南見無商認專辦官運所加之  
價卽由官爲加給皖岸售價較輕若遽增成本六錢商

力實有未逮准在報效項下每護照一張減去銀七十二兩以貼皖商加作棧價之用如此量予變通庶場運各商均得其平合特檄飭檄到該司局卽便遵照出示曉諭一面飭司將提漲棧價日期具報此檄未到以前已買之鹽仍照舊章辦理不得稍有牽混

同治三年十一月九江關道蔡錦青稟竊照楚西新章引鹽前奉憲臺核定章程內列九江關稅每引六百斤完銀一錢四分俟到岸銷售之後由總局彙總在於釐金項下扣出解交九江關道核收等因茲查商運楚鹽係由泰局委員於護票之外另給九江關公文一角交給

船戶到關投遞文內註明該商運鹽引數按船編列字號自某號起至某號止其裝船幾隻如此辦理則某商運鹽若干引船戶有無盜賣情弊均可按文而稽頗覺妥善周備見查江西引鹽由姑塘關經過護票之外並無局員申文似屬兩歧仰懇飭令泰州承辦西鹽局員仿照楚局章程辦理經鹽政曾國藩批允

謹按以上鄂湘西三岸開辦事宜

同治二年十一月鹽政曾國藩核定淮鹽運皖章程五條第一條斤兩改復舊制淮南鹽務以安徽爲中路見在西岸楚岸均照道光三十年章程以六百斤成引皖省

應卽一律辦理茲定淮鹽販運安徽者專發護照每照一張運鹽一百二十引每引正鹽六百斤外加滷耗六十斤包索三斤半分裝八包每包連包索過掣庫稱淨重八十六斤此外查出重斤卽以私論 第二條大通設招商局中路售鹽向以大通爲總匯本部堂檄委劉牧履祥駐劄大通設招商局專司中路招商驗照抽稱收釐各事務惟大通鎮銷鹽暢滯無定上下口岸相距過遠不能倣照楚西之法挨次銷售見另刊護照將下游大勝關金柱關荻港大通四卡釐金全行緩納驗照放行俟鹽到大通每引總完下四卡釐金錢六千文專

充水路彭楊陸路曾鮑四軍之餉按人數之多少均勻  
分派運商完釐後卽將所領護照繳銷由大通局另給  
水程執照轉運他處口岸銷售自大通以上仍照舊章  
逐卡完釐 第三條護照另繳軍餉中路淮鹽護照每  
年印定六百張發交大通招商局劉牧招商承運此外  
不另發一張以一事權凡各商販請領護照除應繳下  
四卡釐金外每護照一張另繳報效軍需銀三百兩此  
項報效銀兩與楚西新章之提分商利無異應專濟彭  
楊曾鮑四營軍餉按人數之多少均勻分派 第四條  
計算成本數目商販請領中路護照前赴泰棧買鹽每

引八包連正雜課暨鹽價在內約計銀五兩五錢二分  
應繳報效軍需銀二兩五錢完揚鎮軍營釐銀一兩二  
錢沙漫洲糧臺釐銀三錢二分都營犒賞銀四分八釐  
水腳辛工銀約二兩二錢鹽到大通後總完下四卡釐  
錢六千文照時價約合銀四兩四錢完大通局費銀一  
錢五分其計每引約合成本銀十六兩三錢三分八釐  
該局售價如遇暢銷之時聽局員勘酌提價卽滯銷之  
時至少每百斤不得跌至三兩以內以保商本如有不  
顧大局私行賤售搶跌者准眾商查出稟究議罰 第  
五條三處截角查私運鹽過壩由泰州抽查過稱將護

照截去第一角運至大勝關又抽查過稱截去第二角  
運至大通又抽查過稱截去第三角將照繳銷如有重  
斤夾帶均照販私律嚴懲

謹按以上皖岸開辦事宜

淮北票法新章

同治三年五月鹽政曾國藩核定淮北票鹽章程八條

第一條改復票鹽舊制淮北票鹽立法本善自以鹽抵  
餉紊亂成規見在淮河暢通亟宜大加整理應將皖營  
滁營之餉鹽漕輶之捐鹽徐臺借運之北鹽營弁私運  
之毛鹽一概停止招集新舊票販運鹽儲壩完納見課

出湖運售每引例定正鹽四百斤分捆四包每包連滷耗一百一十斤其請票截角抽稱上棧等事悉照票鹽成法辦理 第二條接開己未新綱淮北奏銷前已奏至戊午綱爲止應卽接開己未新綱由海分司擇吉起徵惟兵燹以後戶口大減斷不能銷四十六萬引之數應循照近來奏案先辦正額二十九萬六千九百八十二引責成海分司駐劄西壩或改駐楊莊經理收課發販等事宜仍限一年造報奏銷以符定制 第三條核定正雜各款收課科則必須核定以昭信守查淮北向例每引收報部正課銀一兩五分一釐雜課二錢又外

辨經費銀四錢倉穀一分河費一分鹽捕營一分見開  
已未新綱皆應照收其團練霸工緝費號項等名目均  
係不急之欵應卽一概刪除每引實收一兩六錢八分  
一釐此外不准另索分毫如有額外加徵准商販指稟  
究辦 第四條裁併各處釐金近來軍餉皆賴鹽釐接  
濟而長淮處處設卡節節抽收商販視爲畏途見在滁  
營釐卡業已停撤此外亦應從新妥議仿照淮南總抽  
分解之法惟淮北票鹽不分口岸聽販戶隨地運售與  
淮南稍有不同礙難緩釐應擇扼要之處分作兩處抽  
收自西壩出湖先在五河設卡每包收釐錢五百文運

赴上游再於正陽關設卡每包收釐錢五百文統由本部堂派委大員駐卡經收所需卡用經費卽在鹽釐內稟定坐支不另取諸商販經此兩卡抽收之後給予釐票他卡驗票放行不准重抽以輕商本 第五條分派課釐數目查淮北解餉原案係以十成分派臨營分四成滁營分四成撫營分二成今滁州已歸併於督營臨淮已歸併於撫營嗣後所收北課除臨營仍解四成外其餘六成本應全解本部堂糧臺惟漕輶停止捐鹽餉項不無短絀茲擬分派一成歸於漕輶以資貼補五河正陽關兩卡總收鹽釐每包各五百文亦應照十成分

派議以一成解漕輶四成解安撫五成解江督連同鹽  
課分濟援防滁州各軍及金陵之大營餉需 第六條  
計算成本餘利自場運壩之鹽每引除正雜課經費銀  
一兩六錢八分一釐照舊到壩完納外另需鹽價駁價  
每引七錢運腳辛工約六錢共計二兩九錢八分一釐  
西壩各棧售價應由海分司就近稽查每引至賤不准  
跌至三兩二錢以內如遇暢銷准其隨時提長禁止湖  
販賒欠一律以見錢交易至正陽關三河尖售價見在  
每引約在十兩內外壩鹽出湖加以運腳釐金不過七  
兩上下又派淮揚水師節護運無游匪搶劫之患其

途甚安其利甚厚應由運司選派運判一員前赴該兩處往來督銷嚴禁搶跌賤售違者從重究辦第七條嚴杜夾帶重斤前因營弁下場自捆買斤放租無弊不作甚至以一引官鹽夾數引私鹽大有害於票法疊經出示嚴禁在案嗣後無論官運營運祇准就壩採買不准下場亦不准再立餉鹽名目其下場票販與卡員熟識遇有重斤往往瞻徇情面通融放過卡役人等兼有賣放之弊以至大伊山順清河等處稱掣有名無實殊屬不成事體應責成海分司嚴督各卡員認真抽稱查出包內重斤卽照全船包數扣罰充公如有包外夾帶

嚴究詳辦 第八條禁止出湖改捆近來票鹽出湖皆在西壩改捆大包重一百二三十斤不等以省運費及按包抽釐之費改捆後鹽票不符致有餘票護私之弊見在鹽釐一項大加裁減未便再任避省運腳叢生弊竇應示諭車行船戶論斤不論包公平承雇出湖之鹽除例給護票外並由海分司發給船口清單以便卡員憑單查艙按包抽釐不准再行改捆以挽積弊而便稽

查

同治三年五月鹽政曾國藩示新章甫定誠恐湖販未盡周知或不踴躍各營既停餉鹽勢難久待見課凡督轄

撫輶漕輶皆可輔以官運以示倡導而速軍需重訂官  
運章程四條 一各輶籌欵委員赴棧請票買鹽悉遵  
商運規矩概以見銀交易既以體卹商販且不使官運  
本輕商運本重 一官運鹽船過卡驗票截角查艙完  
釐等事均照商運一律辦理 一鹽斤到岸仍歸督銷  
委員稽察不准以單餉藉詞搶跌貳售 一委員薪水  
由營自給餘利各歸各營充餉

同治三年五月署運司忠廉稟淮北近年所辦餉鹽商販  
池丁困苦已極蒙頒發新章裕課恤商輕本保價無微  
不至并蒙飭將未盡事宜由司籌畫等因署司遵查從

前淮北票法凡有利弊之處悉心籌議謹陳管見四條  
開呈鑒核再行發交海分司遵照淮南公棧情形自五  
月以來緣楚西警報頻仍西鹽尙有請運亦屬無多楚  
鹽已十餘日絕無請運者署司焦灼萬分全局堪虞究  
竟楚西賊勢若何此間傳述不一祈隨時飭示俾得曉  
諭商民各安生業無生觀望之心謹將淮北新章未盡  
事宜開呈一派垣買鹽以卹場商也查淮北太平中富  
鹽係上色青口西臨臨浦均是下色故壩價向按上中  
下三等從前票法本係由官派垣酌搭迨自改辦餉鹽  
營中皆要上色遂至派買一案廢弛連年青口臨浦之

鹽均難到壩垣商失業池丁透私困憊已極見當新章  
整頓之始必須仍照舊法派垣配搭一概不准指買庶  
下色鹽有出路池丁得所私源不禁自絕矣一禁止湖  
欠以卹票販也新章壩價奉定每引至賤不得跌至三  
兩二錢以內並令一律見銀禁止湖欠惟淮北鋗習一  
經銷滯則跌價搶售放欠換貨等弊踵至緣淮北機多  
販雜不肖賣手夥友人等必藉放欠換貨遂其中飽故  
從前票販累於湖欠四五十萬之多全歸烏有廳嚴定  
章程毋論銷市暢滯概不准搶跌賒欠換貨俾可保價  
而持永久一設卡緝私以疏官引也查淮北連年私梟

充斥由場而壩由壩而湖隨地皆有而臨淮一帶爲尤  
甚應請嚴定緝私章程遴選精明強幹之員在臨淮扼  
要地方設立總卡認真稽查鹽票相符立卽放行儻有  
夾帶重斤卽照新章提罰究治其有無票之私立卽嚴  
拏治罪庶私靖而官銷自暢一嚴禁包攬以杜把持也  
西壩各棧尙有賣手代買近年各營辦運餉鹽每多尙  
申夾私舞弊新章停止餉鹽並奉安撫憲訪拏舞弊賣  
手陳復興王永清究辦惟西壩棧多人眾營私骯法者  
尙不止此二人應請飭海分司從嚴稽查儻有前項等  
弊立卽嚴拏重辦以肅鹹政

同治三年八月鹽政曾國藩奏伏查淮北鹽務自前督臣  
陶澍改行票鹽意美法良商民稱便果能率由舊章行  
之百年不敝無如軍興以後運道之通塞靡常銷數之  
暢滯無定鹽既不能如額運售課卽不能按綱造報拖  
延套搭已覺年不如年然未辨餉鹽以前票販雖日形  
竭蹶尙能勉力從公池商雖難免偷漏未敢任意售私  
迨軍營提鹽抵課變易舊規營員日出於塗商販遂聞  
而郤步李世忠部下赴壩領鹽尤屬桀驁一不遂欲百  
般恐嚇甚至因棧鹽不足下場自捆一營開端各營效  
尤護私夾私之弊遂至不可窮詰見在李世忠業經開

缺回籍其部下兵勇亦皆遣散當此淮甸澄清自宜恪遵

聖諭將餉鹽截停招集新舊票販照常請票運鹽完納見課出湖販售臣旁咨博訪參考成法核議新章有必須停止者三急宜整理者四請爲我

皇上陳之酒臣以清淮防費支絀先令場商每包捐鹽五斤每引其二十斤旋因逐包捐繳諸多未便由海分司詳改每運鹽百包帶繳五包其應完課銀及售出鹽價雖經吳棠奏明作爲清淮軍需但錙銖而取之瑣屑而派之殊非政體所宜必須停止者一也徐州係山東引地前

因捻氛梗阻東引未能到岸經督辦徐宿軍務田在田奏准借運北鹽盡收東課原係暫時權宜之計行之日久流弊滋多採買則私自下場售銷則旁侵皖界刻下東引業已通行徐民無虞淡食不能再託借運之虛名貽侵銷之實患此必箚停止者二也北鹽向有淨鹽毛鹽之分已改捆者爲淨鹽未改捆者爲毛鹽皆須納課方准出湖近來私梟勾串營弁朋販毛鹽結隊橫行連檣闡越堵之嚴則營員出而包庇緝之疏則官引盡被占銷此必須停止者三也夫榷鹽之法革其弊而利自興餉鹽停則強封害販之弊除捐鹽停則科斂病商之

弊除借運朋販之鹽停則引界混淆營私充斥之弊無不除臣所謂整理之四端蓋就諸弊既去因勢利導耳淮北綱引前係奏至戊午綱爲止今於五月初八日接開己未新綱惟兵燹以後戶口大減斷不能銷四十六萬引之數應循照近年奏案先辦正額二十九萬六千九百八十二引每引例收報部正課一兩五分一釐雜課二錢又外辦經費四錢倉穀河費鹽捕營各一分此外圍練緝費壩工號項等款名目太繁一概刪除以舒販力此見籌整理者一也近來軍餉皆賴鹽釐接濟勢不能概行裁撤而長淮處處設卡商販視爲畏途且從

前各卡總計每包約須完釐二千餘文爲數過重自應  
大加核減今擬仿淮南總收分解辦法併歸兩處自西  
壩出湖先在五河設卡每包收釐錢五百文運赴上游  
再於正陽關設卡每包收釐錢五百文他卡祇准驗票  
不准重抽統由臣選派委員駐卡經理蓋非減釐不足  
以輕本非裁卡不足以卹商此見籌整理者二也淮北  
解餉原案以十成分攤臨淮軍營分四成滁州李營分  
四成安徽撫營分二成今臨滁兩營業已分別裁併自  
可將該兩營舊有之餉改撥金陵一軍惟漕臣停止捐  
鹽亦應量予撥濟以資貼補嗣後所收釐課臣已咨明

吳棠喬松年應仍以十成分派臣營派五成撫營派四成漕營派一成論餉數則小有袁益論舊例則無甚更張此見籌整理者三也北鹽每引例定正鹽四百斤分捆四包每包連滷耗重一百二十斤近來棧鹽出湖皆在西壩改捆大包重一百二三十斤不等以省運腳及按包抽釐之費換包後鹽票不符叢生弊竇臣已嚴申禁令不准改捆大包並於例給大票外將每船裝鹽包數亦仿淮南之例填給船口清單庶鹽與票符可杜避重而就輕不致以多而報少此見籌整理者四也以上各條係就戶部原奏及御史劉毓相之條陳悉心參酌力

挽近年之秕政悉復疇昔之成規而又恐積弊已深一  
旦改收見課各販不甚踴躍更議輔以官運照商販一  
律辦理以示倡導淮北近年以來綱法紊亂開綱既無  
定期奏銷亦無定限目下新章既定臣嚴飭運司督同  
海分司廣爲招徠源源認運仍限一年造報奏銷以符  
定制但例銷北鹽口岸迭被苗逆蹂躪之後不但煙戶  
彫零人民稀少且未經開綱以前存積餉鹽捐鹽販鹽  
爲數不少舊鹽之占壓太多新鹽之銷售難速勢有必  
然又皖之潁六廬鳳豫之信羅光固逼近捻氛軍情變  
幻刻刻可憂課項能否如額收足奏銷能否依限造報

未敢信有把握其五河正陽關所收鹽釐將來自當隨  
同正課一并報部以重欵項惟因餉需緊要此時所收  
鹽課祇能支應軍需未能先運京餉私衷耿耿抱疚良  
深臣惟有督飭運司忠廉殫盡血忱實力經理以仰副  
皇上整飭鹹綱之至意戶部議覆臣等伏查上年十一月臣部  
以淮北票鹽屢由各營提充軍餉未免漫無稽查奏請  
分別截留以保正課復於本年六月奏請催辦均經奏  
准行知各在案茲曾國藩奏將餉鹽截停招販請運票  
鹽完納見課出湖銷售並議停止者三整理者四等因  
具奏前來臣等詳繹該督所奏意在革厯年之積弊以

利行銷就票鹽之成規因時通變與臣部前奏裁截餉  
鹽保全正課各情尙相脗合其所請停止三條內如漕  
臣飭令場商捐鹽應請停止一節前據御史劉毓枏奏  
漕督委員於例定鹽斤之外加帶二十餘斤百端騷擾  
怨讐沸騰其爲撓亂離綱罔顧正體已可概見相應請  
旨敕下漕運總督速行禁止儻各委員營弁再行攬擾立予重  
懲又如徐州借運北鹽畫收東課本係暫時權宜之計  
見在淮運旣通東運無阻自應各歸各辦以清引岸所  
有徐州借運北鹽應准停止仍令該督卽飭該署運使  
查照臣部前奏將從前借運鹽斤若干抵收東課若干

詳晰報部以備查核又如私梟句串營弁朋販毛鹽應  
請停止一節查私販本干例禁若將未經納課之毛鹽  
句串販運尤爲藐法應卽悉行查禁一面嚴禁私梟一  
面查察營弁儻再有通同販運情弊一併究辦勿稍姑  
容以上所請停止三條均係歷年積弊悉應照准至稱  
整理四端如除繁費以保正課減釐卡以利官商勻課  
釐以濟軍需定鹽包以符票數大率以兵燹之後興復  
票鹽不得不因時變通亦應暫行照辦惟淮北每年額  
行四十六萬餘引該督奏稱目前不能如數請照近年  
奏案先辦正額二十九萬餘引等因查規復之初自難

操之大蹙但銷路既通行運自易應令該督檄飭該署  
運使隨時查察如果運銷通暢卽行逐漸加增以副定  
額原奏又稱積弊已深各販未必踴躍更議輔以官運  
等語查前兩江總督陶澍奏改票鹽章程本准官商並  
運但須慎選賢員認真經理方爲盡善否則官運之名  
橫行霸占商不敢官則易於裹足官無顧忌則益飽私  
囊其弊不可究詰應令該督遴員委辦仍嚴密稽查勿  
任侵漁影射致滋弊端再淮綱奏銷向係按年造報近  
來軍務倥偬遞形積壓嗣後仍令該督轉飭運使趕速  
招運完竣如期奏報以清欵目而符舊章至稱此時所

收鹽課祇能支應軍需未能先運京餉等語查各營餉  
需固賴鹽課鹽釐以資接濟第見在軍務漸平餉需不  
至仍前喫緊鹽課爲維正之供開辦之後課項漸充似  
當移軍需之所緩顧京餉之所急臣部中外兼籌權有  
餘以補不足是在該督通盤酌核勿置京餉於後圖誠  
爲至要奉

旨依議欽此

同治三年十二月鹽政曾國藩奏臣接准部咨議覆御史  
劉毓枏奏淮北引滯課紬請設法整頓一摺伏查該御  
史所奏六條除汰冗員一條業經戶部奏覆所需廉俸

無多毋庸裁缺外他如裁釐捐以紓販力禁私鹽以暢  
官引減經費以重公項定鹽場之價值以杜居奇濬河  
道之淤泥以利挽運洵於北鹹確有所見臣前議淮北  
新章卽將該御史所奏詳加參酌弊之應革者逐加釐  
剔利之應興者徐圖規復至所稱歷任海州運判到任  
必先核減鹽價恐嚇商民迫至賄賂滿囊始行詳復舊  
制又河費捐欵經十餘年之久已逾數萬商販屢請挑  
河該運判置若罔聞等語果如所奏則商民任其簸弄  
公欵難免侵吞必須遵照部議派委大員澈底根究方  
足以警官邪本年正月江甯藩司萬啟琛自安慶起程

臣等謹將各項開列於後  
一、查照前奏指詢各情迅速根查等  
兩條未據查覆應卽查照前奏指詢各情迅速根查等  
因臣查場價之長落向視壩銷之暢滯銷暢則販利較  
厚自宜酌增場價以貼池商銷滯則販本有虧又宜酌  
減場價以貼票販鹽諸百貨有盈缺市價卽有低昂從  
前票鹽舊章池商應得之鹽價駁價每引其計九錢軍

興以後路梗銷疲咸豐四年卽經前任海分司詳明減  
爲七錢厥後續有增減之案經萬啟琛等查明均係稟  
詳運司因時制宜尙非憑空簸弄惟向章鹽價係繳分  
司衙門轉發池商嗣因餉需緊要往往將鹽價墊解軍  
餉以致未能按期給發池商益形苦累自丙辰綱起改  
爲由販自付不由分司收放旣無挪墊之虞亦無剋扣  
之慮池商運鹽一引可得見價七錢足資轉輸本年新  
綱亦係照此辦理臣又將池商捐繳之河費團練船工  
等項概予刪除商情皆稱允服又查淮北河費向係票  
販與池商每引各捐一分咸豐四年以後販力竭蹶經

前任海分司詳明將票販帶繳之一分裁去僅留池商一分從前每綱運鹽四十六萬引照額收足祇收銀四千六百兩近來銷數益滯捐欵益微歷綱並無繳足之年場河亦有興挑之案卽倉穀勇糧等欵經萬啟琛等逐細確查皆出因公動用尙無侵吞情弊本年新綱例徵票販河費一分臣已飭令專欵存儲自當隨時委勘擇壅塞淺阻之區爲疏濬深通之計又飭海州分司將歷年所收外辦雜欵按綱按任造具支用清冊詳報由臣逐款核銷以昭核實

謹按以上同治間重整淮北票法章程

兩淮鹽法志卷七十一

洞佳鹽法志

卷七十一

督銷門

見行票法新章

三